



POLICE SCOTLAND

[Poileas na h-Alba]

Barraigh, Bhatarsaigh
Eirisgeigh & Uibhist a Deas
Plana Uàrd nan Ioma-Bhall 2013

Barraigh, Bhatarsaigh, Eirisgeigh agus Uibhist a Deas

Plana Uàrd nan Ioma-Bhall 2013

Bheir am plana poileis seo cunntas air na prìomh amasan a dh'ainmich ur coimhearsnachd ri linn ar co-chomhairleachaidh as ùire agus cumaidh e fios ruibh mu mar a chuireas sinn aghaidh riutha air feadh na bliadhna.

'S e ar fòcas ach eucoir is aimhreit a lughdachadh, earbsachd a' mhòr-shluaigh a mheudachadh nur coimhearsnachd agus daoine a chumail sàbhailte.

Cumaidh sinn oirnn ag obair gu dlùth ri ar com-pàirtichean gus fuasgladh fad-tearmach èifeachdach a lorg airson nan ceistean a thog sibh.

Bheir am plana poileis seo cunntas air mar a tha e san amharc againn dèiligeadh ri ur prìomh amasan.

Prìomh Amasan Ionadaile

Dh'ainmich sibh gur iad na prìomh amasan ann am Barraigh, Bhatarsaigh, Eirisgeidh agus Uibhist a Deas ach:

1. Sàbhailteachd Rathaidean

Dh'innis sibh dhuinn gun robh dràibheadh le deoch agus eucoir a thaobh luathais mar phrìomh cheistean. Cuideachd, dh'innis

sibh dhuinn gun robh sibh mothachail air na cunnartan a thaobh luchd-rothair is luchd-coiseachd a bhith a' cleachdadh nan rathaidean singilte.

2. Mì-chleachdadh deoch làidir

Dh'innis sibh dhuinn ur draghan mu mì-chleachdadh deoch làidir, gu sònraichte a thaobh daoine òga a bhith a' faighinn deoch làidir 's a bhith ri droch-ghiùlan agus ri cus faraim.

3. Giùlan Mì-Shòisealta

Dh'ainmich sibh gur e giùlan mì-shòisealta prìomh cheist ann an cuid de cheàrnaidhean nur coimhearsnachd agus chaidh 'prìomh àiteachan' ainmeachadh far an robh sibh ag iarraidh oirnn aghaidh a chur orra a rèir sin.

4. Drugaichean

Ann an aon cheàrnaidh de ur coimhearsnachd chuir sibh draghan an cèill mu mì-chleachdadh dhrugaichean agus dh'iarr sibh fòcas leantainneach air a' cheist seo.

Tha sinn air dèiligeadh ri ur draghan 's tha sinn cinnteach gum faic sibh leasachaidhean ann am Barraigh, Bhatarsaigh, Eirisgeidh agus Uibhist a Deas.

Gnìomhan a rinneadh thuige seo

- Gus sàbhailteachd rathaidean a thoirt am feabhas, lean sinn oirnn le ar ro-innleachd a thaobh aire is giùlan luchd-dràibhidh a mheudachadh. A' dol an-sàs, a' toirt comhairle agus ag ionnsachadh do luchd-cleachdaidh rathaidean agus a' cuimseachadh air àitean aithnichte a thaobh cus luaiths.
- Chaidh gach sgioba fhor-ghnìomhach shònraichte a bhios ag obair an aghaidh eucoir a chur an-sàs anns na coimhearsnachdan ri linn oidhcheannan a' gheamhraidh agus aig deireadh-sheachdainnean gus daoine a chur air an socair agus gus bacadh a chur air eucoir a dh'fhaodadh tachairt sa bhad, dràibheadh le deoch agus droch-ghiùlan luchd-dràibhidh.
- Ag obair gu dlùth ri raon farsaing de chom-pàirtichean, chaidh obair air adhart gus aghaidh a chur ri draghan a thogadh ron a' seo a thaobh daoine òga a bhith a' frithealadh thachartasan aig ionadan-oil agus ri cùisean a bhuineas ri òl fo aois is sàbhailteachd. Ri linn mar a chaidh dèiligeadh ri seo, chaidh atharrachadh a thoirt air mar a bhithear a' cumail smachd is a' stiùireadh òigridh aig na tachartasan seo gus dèanamh cinnteach gum bi daoine sàbhailte agus gun tèid cothroman air òl fo aois agus air giùlan mì-shòisealta a lughdachadh. Tha e na cùis mhisneachd gun d' fhuair eadhon fios dearbhach air ais a thaobh seo.

Annas na Mìosan Ri Thighinn

- Tro Gnìomh na Slighe bidh an sgioba gu dearbhach an-sàs ri gach neach a chleachdas na rathaidean, a' cur air adhart mothachadh air sàbhailteachd rathaidean. Cuidichidh seo ann a bhith a' cur daoine nar coimhearsnachdan air an socair 's a' cur bacadh air cleachdadh neo-chùramach nan rathaidean, tro bhith a' dol mun cuairt ann an sgiobaidhean fìor fhollaiseach. Bidh seo a' cuimseachadh air cus luaithe agus dràibheadh neo-iomchaidh tro mheasgachadh de dh'ionnsachadh is de dh'aire, taobh ri taobh ri for-ghnìomhan ann an àiteachan far a bheil cus luaithe no droch-ghiùlan luchd-dràibhidh mar cheist.
- Tro Gnìomh an Reithe bidh sinn ag amas air sealbh 's air solarachadh neo-laghail dhruagaichean a tha fo smachd an lagha agus nì sinn gach oidhirp na daoine sin a tha an-sàs ann a bhith a' dèiligeadh ris a leithid de ghnìomhan neo-laghail is millteach a thoirt air falbh o ar coimhearsnachdan. An lùib seo bidh cleachdadh cù-luirg nan drugaichean a rèir fiosrachaidh a gheibhear.
- Tro Gnìomh a' Mheasa lughdaichidh sinn aimhreit is tachartasan a tha co-cheangailte ri ionadan-òil. Ag obair ri prìomh chom-pàirtichean gus ar coimhearsnachdan a dhèanamh nas sàbhailte, stad a chur air eucoir agus toirt air daoine faireachdainn gu bheil iad sàbhailte, le fòcas air òl fo aois agus a bhith a' tadhal gu for-ghnìomhach air ionadan-òil.
- Tro Gnìomh an Leabhar-nòta cumaidh sinn oirnn ag obair ris an Oifigear an aghaidh Droch-ghiùlan Sòisealta aig Comhairle nan Eilean Siar gus amas air àiteachan àraid far a bheil duilgheadasan, gus dol an-sàs annta gu h-èifeachdach agus a rèir feuma.
- Meudaichidh Sgioba Poileis ur Coimhearsnachd am follaiseachd is an ruigsinneachd anns a h-uile coimhearsnachd ann am Barraigh, Bhatarsaigh, Eirisgeigh is Uibhist a Deas. Tha a bhith an-sàs ris a' choimhearsnachd mar obair bhunaiteach riatanach, obair a ghabhas a-steach co-obrachadh cunbhalach bitheanta ri gach sgoil is gach Comhairle Choimhearsnachd.

Fiosrachadh Feumail

Barraigh, Bhatarsaigh, Eirisgeidh & Uibhist a Deas

Sgioba Uàrd nan Ioma-Bhall

Dèiligidh ar sgioba ri Barraigh, Bhatarsaigh, Eirisgeidh & Uibhist a Deas.

Fiosrachadh Conaltraidh

Police Station
Castlebay
Isle of Barra
HS95XD

Seòladh puist-d na buidhne

WesternIslesCPT@scotland.pnn.police.uk

Thathar a' cur an seòladh puist-d seo air dòigh dhuibh a chor is gun dèan sibh conaltradh ri ur Sgioba Poileis Coimhearsnachd ionadail gus bruidhinn mu dheidhinn eucoir ionadail neo-èiginneach no duilgheadasan a thaobh droch-ghiùlan mì-shòisealta. Cha bu chòir seo a chleachdadh gus eucoir no tachartas a chur an cèill dhuinn.

Thèid freagairt a thoirt don a h-uile post-d taobh a-staigh 48 uairean.

Airson fiosrachaidh nas mionaidiche mu ur Sgioba Poileis Coimhearsnachd ionadail agus mu sheirbheisean eile a bheirear seachad aig Poileas na h-Alba, rachaibh gu làrach-lìn na Feachda aig:

www.scotland.police.uk

Tha sinn an seo gus ur cuideachadh

Cumaidh sinn oirnn a' dèanamh conaltraidh ruibh le fios mun obair as ùire a tha a' dol air adhart gus dol an-sàs anns na ceistean sin a bheir buaidh oirbh fhèin 's air ur coimhearsnachd.

- Ma tha dragh no ceist sam bith a bu toil leibh bruidhinn mu dheidhinn, rachaibh an conaltradh ri ur Sgioba Poileis Coimhearsnachd ionadail.
- Cuiribh fòn gu 999 ma tha cùis-èiginn ann far a bheil cruaidh-fheum air cuideachadh on phoileas a dhìth sa bhad.
- Airson cùis nach eil mar èiginn, cuiribh fòn gu 101, an àireamh shingilte neo-èiginneach.
- Thoiribh fios seachad mu eucoir gun ur n-ainm a thoirt am follais gu Luchd-stadaidh Eucoir air 0800 555 111 no aig www.crimestoppers-uk.org 'S e tha seo ach cathrannas neo-isimeileach nach eil mar phàirt dhen Phoileas.
- Faodaidh luchd-cleachdaidh na seirbheis aig a bheil duilgheadas claisneachd dol an conaltradh ri Poileas na h-Alba air Toirt Seachad Teacsa aig 18000 (cùis-èiginn) no aig 18001 101 (gun èiginn).

Aithnichidh sinn gu bheil còir agaibh air prìobhaideachd agus cha tadhail sinn oirbh gun ur cead fhaotainn an toiseach.

Ma tha sibhse, no cuideigin as aithne dhuibh, feumach air barrachd cuideachaidh a thaobh na tha san sgrìobhainn seo, rachaibh an conaltradh ri ur Sgioba Poileis Coimhearsnachd ionadail.

www.scotland.police.uk